



Broj: **03/1-50-14-7-27/16**

Sarajevo, 15.6.2016.

**PREDMET:** Informacija o sastanku predsjedavajućeg Zajedničke komisije za odbranu i sigurnost BiH s polaznicima 12. osnovnog kursa obuke iz oblasti „Sigurnosna politika BiH“, 13.6.2016.

Predsjedavajući Zajedničke komisije za odbranu i sigurnost BiH Sifet Podžić razgovarao je 13.6.2016. s polaznicima 12. osnovnog kursa obuke iz oblasti „Sigurnosna politika BiH“, koji su u okviru realizacije programa obuke posjetili Parlamentarnu skupštinu Bosne i Hercegovine (PSBiH).

Osim polaznika kursa, sastanku su prisustvovali i predstavnici Ministarstva sigurnosti BiH, Ministarstva vanjskih poslova BiH, Ministarstva odbrane BiH, Misije OSCE-a u BiH te Željko Grubešić, stručni savjetnik u Uredu sekretara Zajedničke komisije.

Tokom sastanka predsjedavajući Podžić upoznao je polaznike kursa s ulogom Zajedničke komisije za odbranu i sigurnost BiH u demokratskoj kontroli i nadzoru nad odbrambenim i sigurnosnim sektorom u Bosni i Hercegovini. Prezentirajući aktivnosti Zajedničke komisije u protekloj i ovoj godini, Podžić se posebno osvrnuo na stanje koordinacije u radu policijskih agencija iz sastava Ministarstva sigurnosti BiH, kao i na potrebu dogradnje dokumenta „Sigurnosna politika BiH“, koji je usvojen prije više od deset godina.

Razmijenjena su mišljenja o aktivnostima koje Zajednička komisija za odbranu i sigurnost BiH u okviru demokratskog nadzora provodi na terenu. S tim u vezi, Podžić je naveo činjenicu da su u proteklom periodu članovi ovog radnog tijela PSBiH obišli sve institucije iz sektora odbrane i sigurnosti u našoj zemlji, te usvojili set zaključaka koji obavezuje te institucije da rade na otklanjanju uočenih problema i slabosti u njihovom radu.

Predsjedavajući Zajedničke komisije

**Sifet Podžić**

**Dostavljeno:**

- naslovu
- a/a